



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus


Coloniae Agripp., 1623

Medit. 42. De Secundo verbo.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

5. Si Iudæi excusatione digni videbantur, quod nescirent, quid facerent: nos quibus Christus cognitus, toties tam en iterum per peccata crucifigitur, quam apud Deū inueniemus excusationem?

6. Christus à quo tempore in horto captus est, ad mortem vsque multa fecit & pauca dixit, vt doceret nos, cum in res molestas & duras incidimus, patientia multa, non multis verbis opus esse.



MEDITATIO XLII.
DE SECUNDO VERBO
PUNCTA MEDITATIONIS.

- Luc. 23.* I. *Vnus latronum, improperebat Christo dicens: Si tu es Christus; saluum fac teipsum, & nos.*
- II. *Alter increpabat eum dicens: Nequē tu times Deum, quod in eadem damnatione es? & nos quidem iuste &c. Hic autem nihil mali gessit.*
- III. *Et dicebat IESV: Domine, memento mei cum veneris in regnum tuum. Ait IESVS: Amen dico tibi; hodie mecum eris in Paradiso.*

FIGV

FIGURA.

Iosephus in carcerem cū duobus male- *Gen. 40.*
ficis coniectus, alteri prædixit fore vt
euaaderet, & gratiæ Pharaonis restitueretur: alter deinde capitis damnatus est.

PROPHETIÆ.

Erit tibi anima tua in salutem, quia in *Hier. 39.*
me habuisti fiduciam.

DOCUMENTA.

1. **C**um ab hominibus abiectis aut impro-
bis calumnias sustinemus, patienter
ferendum est: Christus enim se à latro-
ne subsannari passus est.
2. Si quid in Deum sanctosque impiè dica-
tur aut fiat, nequaquam ferendum est, sed vt
à bono latrone impius, sic blasphemus ille,
quisquis est, à nobis grauitè, ex zelo animo-
rum reprehendendus est.
3. Si Deum volumus misericordem in nos
esse, non celanda aut excusanda, sed agnoscen-
da est culpa, & peccata syncerè confitenda,
quod bonus latro fecit.
4. Cum proximum audimus traduci aut ac-
cusari, debemus eum boni latronis exemplo
defendere & accusare, nos verò ipsos in cōsci-
entia nostra continuò reprehendere & accu-
sare.

5. Cum

5. Cum propter peccata in poenas & castigationem Dei incidimus, cauendum ab impatientia, & maledicentia, quod non cauit malus latro; imitandus magis bonus latro vt ad cor redeamus, & humiliemus nos: Sic enim merebimur solatium accipere à Domino.
6. Si latronem, qui totam vitam per graua scelera peregerat, ob vnus horæ obsequium Christus Paradiso remuneratur: quid illis dabit, qui ad mortem vsque fideliter ipsi seruiunt?
7. Christus de duobus latronibus, qui cum ipso moriebantur, vnum saluum fecit, vt nemo desperet, si instanti morte, peccatorum sibi adhuc sit conscius: sed non & alterum saluum fecit, vt nemo prætendens misericordiam Dei, poenitentiam ad finem vitæ differat.
8. Bonus latro, vna actione insigni præstita in honorem Christi, meruit primus esse, qui post Christum ingrederetur in Paradisum: ne confidant serui Dei in multis annis in religione consumptis, multi enim in religione tyrones, in regno calorum multis antiquioribus præferrentur. Pluris est enim apud Christum hora vna feruens, quam multi anni tepentes in ipsius seruitio.
9. Latroni, qui vnum tantum dixerat bonum verbum, respondit Christus tam consolatorie: at Matri, quæ cum tanto amore illi seruierat, ita locutus est, vt magnus illi dolor accederet. Non est meritum & sanctitas, in magna animi lætitia & consolatione; sed in tribulationibus pro Christo fortiter sustinendis.
10. Tam grata est Christo peccatorum salus,

lus, vt tempore passionis, quo nullam neque diuinam neque humanam volebat admittere consolationē, hoc tamen solatij sibi seruarit, vt peccatorem vnum conuerteret. Itaque si rem gratam Domino præstare volumus, omnibus viribus cum ipso laboremus in reuocandis ad salutem peccatoribus.



MEDITATIO XLIII.
DE TERTIO VERBO
AD MATREM.

PUNCTA MEDITATIONIS.

- I. *Stabat iuxta crucem mater eius, cū Ioan. 19. Maria Cleopha & Magdalena.*
- II. *IESVS videns Matrem cum Ioanne ait: Mulier ecce filius tuus.*
- III. *Deinde Discipulo: Ecce Mater tua; & ex illa hora accepit eam Discipulus in sua.*

F I G U R A.

NOemi vidua mortis inter Moabitas filijs suis, redijt in patriam Bethleē. Cum autem salutaretur ab alijs mulieribus; respondit: Nolite me vocare Noemi, id est, pulchram; sed vocate me Mara, id-